

برنجی سنه ۰ نومرو ۲

برنسیخه یی ۱ چار نکه در

۱۵ ذی الحجه سنه ۱۴۹۶



مجموعه علوم

هر عربی ایک برزده واون بشنده نشر اولنور

اما يالكوز مله ابراهيمدم ديمك خلق
اراسنده شايع وراسخ برسوزدر عرف وعادت
اولشدر سگدن رساله يازلسه وطرف سلطنتدن
منع اولسه قابل دكلدر كيرو سويلرلواني
سويلنلر ذكر اتديكمز خطايي فاحش اولان
شق اخيري خاطره كترمز لر اويله اوليجق
سوزلرين صلاحه حمل ايدوب اصل اعتباريله
مله ابراهيمدن ديمك استرلر ديو توجيه لازم اولور
يوق بوسوز خطادر اصلن بيلن خواص
سويليوب عوام سويلمسن ديمكده حرج ايله
تكليف واردر وكسه اعتبار ايدوب ديكلمز
بيهوده خالق دغدغه يه دوشوروب قيل وقال
اتدرمكه باعث اولور حقيقت حال بودر لكن
اصلنده يازيلن مباحث ودلائل يرنده جمله سي
علمي واصولي وفقهي اولدوغى اهله معلومدر
بومقامده كلام انجمه ايروب مله بحثي تمام اولدى
بحث تاسع عشر رشوة بحثي در

متاخرين دن فاضل فقيه ابن نجيم مصرى
بو بحثده بر رساله يازب تحقيق مرام ايلدى
بوعصرده رشوتك اشهار ورواجي اواغله بز اول
رساله يي بومقامده اجمال اوزره ترجمه ايلدك
امدى رشوة (ص) اصطلاحده كسر رايه
بر شخص حاكمه وغيره حكم يامر ادنى تحصيل
ايچون ويرديكي شى در ارتشا الفه ديرلر امام
ابونصر بغدادى شرح قدور يده رشوة معاونت
ايچون ويريلندر هديه ده بوشرط يوقدر ديو
رشوة ايله هديه اراسن فرق ايلدى رشوة ايسه
كتاب وسنت ايله حرامدر كتاب ولا تاكلوا
اموالكم بينكم بالباطل وتدلوا بها الى الحكم
لأكلوا فريقتان اموال الناس بالاثم وانتم
تعلمون اتبي در سنت ايسه بوبابده وارد اولان

(ص) تعريفاتده الرشوة ما يعطى لابطال
الحق واثبات الباطل ديمشدر

حديثلردر لعنة الله على الراشئ والمرثئ حديثى
لعن الله الراشئ والمرثئ والرايش الذى يمشى
بينهما حديثى كبي بورشوتك دخى اقسامى واردر
امام قاضى خان فتاواسنده وسائر كتاب قضاذه
فقهها دورت قسم اوزره ذكر ايلديلر

قسم اول جانيينه حرام اولاندر مثلاً بر قاضى
رشوت ويروب منصب السه قاضى اولماز
ويرديكي ايچون حرام ارتكاب اتمش اولور
الانه دخى حرامدر

قسم ثانى حكم اتمك ايچون ارتشا قاضى در
مثلاً بر قاضى يه دعواسنى قضا ايچون رشوة ويرسه
ويرمك الموق حرامدر كرك حق ايله قضا اوله
كرك بغير حق اوله قضاسى نافذ اولماز

قسم ثالث الموق حرام ويرمك جائز اولان
رشوتدر مثلاً بر كسه نفسنه ياخود ماله عائد
ضرر خوفى ودفعى ايچون ويرسه بومقوله رشوة
ويرمك حرام دكل الانه حرامدر كذلك برظام
النده اولان ماله طمع ايلسه بعض مالن ويروب
باقيسن تخليص ايلسه اتم اولماز

قسم رابع سلطان ياننده مصلحت (ض)
كورمك ايچون ويريلن رشوة در اول دخى
ويرمك جائز الموق حرامدر الان دخى وبالدين
قورنلمق استرسه ارالنده بركون صباحدن
اخشامه دك مصلحته اجاره عقدن ايدرلر (ط)
بوعقد مشروع وصحيحدر صكره مستأجر
استرسه اول عله انى استعمال ايدر استرسه
اتمز وبوحيله شرعيه يه اول زمانده حاجت
اولوركه ابتداء مصلحت كورمك ايچون رشوة
ويريله اما اول رشوة الكيوب مصلحت كورلدكده
نصكره ويرلسه أمة اختلاف ايلديلر بعضلر
بوصورتده دخى حلال اولماز بعضلر حلال اولور

(ض) مصلحت يادفع ضرر يا جلب نفع اوله
(ط) مدت بيان ايلسه صحيح اولماز

دیدنی صحیح دخی بودر زیرا احسانه مجازاة
او اور قاضی خان کلامی بونده تمام اولدی
خلاصه و بزایه مفهمومی دخی بودر هدایه
شارحی ابن همام فتح قدیده تغییر اسلوب ایدوب
قسم اول تقلید قضا و امارت رشوة در قسم ثانی
قاضی نك حکم ایچون ارتشاسیدر ایکسینده
دخی جائینه حرامدر قسم ثالث سلطان قتمده
دفع ضرر یا جلب نفع ایچون ویریلندر قسم
رابع نفسه و ماله ضرر خوفی دفع ایچون
ویریلندر بوا یکی قسمده ویرمک جائز المی
حرامدر دیو اجمال ایلمشدر رساله خلاصه سی
بومقامه منتهی اولدی

بوندن صکره مانحن فیه کلم رشوتک مطلق
حرمتی عوام ناس اراستنده شایع اولوب نه مقوله
رشوة حرام ایدوکن بلمزیکن برسوزدر سویارلر
و بلندر دخی نزاع نه لازم اولیه در دیو اوغورلینجه
الورلر و ویرلر و دنیا ده غرامتی کورنمدیکی
یرده هیچ برکسه ترددا تمیوب قبول ایدر اتمین
دخی ورع و تقوا سندن دکل هضم مشکندر دیو
لسان خلقدن قورقار زیرا برلندینجه معنادر
حظی وارد درلر

امدی چونکه بونک حقیقت حالی بومنوال اوزره در
خصوصا فی زماننا ارتشادن تحاشی یوقدر اولی
بودر که قسم ثالث و رابع ده ابن نجیم قاضی
خاندن نقل اتدیکي اجاره عقدی ایله معامله
ایدوب و بالدن قورتلر فی زماننا اهل دیوانک
قضادن غیري خصوصارده الوب ویردیکي اول
قبیلندندر نهایت ابطال حق و اثبات باطل
خصوصنه اقدام ایله نظامه خلل کلم خوفی
واردر

سلفده حکام اسلام و پادشاه انام اول
محدوزی دفع و دولته زوال موجبنی منع ایچون
مطلقات رشوت قبوسن محکم قیایوب قانون اوزره

مصلحت کورلر و خلقی انکله ضبط ایدرلر دی
حالا دخی اکاکوره حرکت اولنمق کرم صکره
ندامت فائده ویرمز حیلۀ شرعیۀ ایلدک دیمک
سوز اولماز چوق خصوص واردر که صورت
شرعه قومق قابلدنر لکن تحتدۀ نیجه فساد
اولغله معقول کورمز لر

۷ بحث عشرین ابوالسعود افندی ایله برکلی
محمد افندی بجئی در ابوالسعود افندی سکر یوز
طقسان التی ده تولدا ایدوب طریق علمده قانون
اوزره قطع مراتب ایدرک طقوز یوز اللی ایکی
شعبانده محی الدین افندی یرینه شیخ الاسلام
اولوب طقوز یوز سکسن ایکی جمادی الاولی سنک
بشنجی کونی وفات ایدنجه کامل اوئوز ییل
فتوی ویردیار دولة عثمانیه ده سلطان
سلیمان خان طول عمر ایله متفرد اولدوغی کبی
مولانای مرقوم دخی امتداد زمان منصب
ور یاسة ایله تفرد اتمشیدی بودولة علیه ده کال
پاشازاده افندی ایله بونلر اکثر قوانینی شرع شریفه
تطبیق ایدوب مراتب و مناصب خاللا لیرین
اصلاح ایله امور دولته کاینه غنی نظام
ویرمشلر در

برکلی محمد افندی بالیکسری ده پیرعلی افندی در
مدرسک اوغلی در تحصیل علمدن صکره استانبوله
کلوب قاضی عسکر عبدالرحمن افندی دن ملازم
اولوب ادرنه ده قسمت عسکریه ضبط اتمشیدی
بعده مرشد طریق پیرامی و شیخ عبدالرحمن
قرمانی خدمتنده بر زمان تصفیۀ باطنه مشغول
اولوب محصول قسمتدن الدقزی بلخی اصحابنه
تقسیم ایچون ادرنه ده وارب دفتر موجبه نیجه
توزیع و استحلال ایدوب شیخ مزبور اشارتی
ایله افاده فنون نافعیه ده مشغول اولوب نقل
حدیث و تفسیر ایله احراز رضای پیراتمشلرایدی
خواجۀ پادشاه مولانا عطاء الله شان فضائل

نشانه اعتنا ایدوب عقد اخوت به بناء برکی ده
 بنا اندیکی مدرسه تدریس بنو ناردتفویض ایلدوب
 اول سبیدن برکیلی اولمشیدی اطرافدن طلبه
 کلوب وجهه الامال ارباب استمداد و کمال اواغله
 گاه وعظ و گاه درسه ممارس و امر بالمعروف
 ونهی عن المنکر اتمکله سنت سید انبی احیایه
 حریص ایکن مقوز بوز سکسن برجادی الاولی -
 سنده انتقال ایلدی سنی الی بش ساله ایرمشیدی
 اواخر عمرنده استانبوله کلوب وزیر اعظم محمد
 پاشایله ملاقات ایدوب دفع مظالم باینده سوزی
 مسموع اولمشیدی نیجه کتب و رسائل تألیف
 ایدوب تلاوة قران عظیم و مباشرت تعلیم و بالجله
 عبادات مقابله سنده اجرتی تحریم باینده ووقف
 منقول و دراهم جائز اولمق خصوصنده سیف
 صارم نام بر رساله یازب علماء فحول ایله بسط
 ادله منقول و معقول اتمشدر

مشاهیر قضاتدن بلال زاده محمد افندی
 ابوالسعود افندی طرفندن برکلی افندی رساله -
 سنی رد ایلدوب ذکر اولنان اموره مباحثه
 و محاوره لری و طرفینک مشاجره لری طبقات صدریه
 و جلالیه رتبه سته ایرمشیدی

ابوالسعود افندی مرحوم فتنه احدائندن
 ابومتاخرین علمایه اقتدا ایلدوب خلافه افتا
 اتمکله بلال زاده فرصت بولوب مرحومک
 احتسابا بجاری اولان مدعاسنی مخالف تعرف
 مضمونی اوزره تمین و ظهور ایچون ریایه
 حمل ایدوب تفصیل مشیم ایله تشنیع اتمشدر
 بومقامه کانه شقایق ذیلندن نقل اولندی

بوندنصکره فقیر ایدر برکلی افندی علوم
 شرعیه ده مدقق و محقق کسه ازلوب بعض
 مشایخن مسموع اولدوغی اوزره معقولاندن
 فن منطقی اتقان اوزره تحصیل ایدوب شطر
 عمرنی اکامسرف ایلمشیدی لکن سائر

حکامیات مشربنه موافق اواغله تألیفلرنده
 انکار ایدوب عرف احتوال ناسه وقوف
 ایچون تواریخ دخی کورمیوب متشرع و متقی
 اولمغله ذکر اولنان خصوصلرده و صوفیلرک
 رقص و دورنده و دراهم مضروبه نک اختلالی
 اجایچون معاملات ناس فسادنده مقتضای
 مشربن طریقت محمدیه نام کتابنده یازب
 عرف و ماده اعتبار اتمیوب سیف صارم ده
 دیمشدرکه

وصیتسز یاخود موته اضافتسز وقف نقود
 ابطالی ایچون بو بر رساله در زیر لزومنده مفتی
 زمانمز ابوالسعود رساله یازب چوق یرنده سهو
 ایلکله وجه مردودنی بیان لازم کلدی تاکه
 اکا واقف اولانلر اعتماد ایدوب ثواب استرکن
 آتم اولمهلر و حکام اکا مغرور اولوب احکامده
 التجا اتمهلر زیر اعتماد صالح دکلدر و یوم
 تناده انلر عذر اولماز زیر اصول و فروع
 مخالف و معقول و منقوله مناقض در بن انی ناس
 ایچون فتنه و هر قدرتی اولانه تغیری واجب و منکر
 کوردم لکن ظن ایلیم که اکا کسه تصدی
 ایلله یاجهلدن یاجبندن اوتوری پس بکا قلم
 ایلله و لسانله خلق بو منکرندن نهی لازم اولدی
 تاکه کتمانیه مرتب اولان اغنة و الجامدن حذر
 اتمش اولام دیورده باشلار

امدی بومقامه فاضل مزبور کلامنی نقلدن
 مراد ابوالسعود افندی کبی کسه یه قرشو
 طوروب نه مرتبه تحامل ایلدیکی معلوم اولمقدیر
 لکن بوقدر نزاع وجدالندن صکره تکلفی عرف
 و ماده مخالف اواغله اصلا مفید اولدوب خلقله
 باشه چقامدی صکره مرحومک شاکر دلری
 و تابعی اکثر کندی مسلکله سلوک اتدیلمر بر قاج
 ماده ده افراط و تفریط اوزره کندیلمر
 بحث حادی عشرین سیواسی افندی وقاضی

زاده افندی بحی در

اولا شیخ عبدالجید بن شیخ محرم بن زلی که
سیواسی افندی دیمکله معروف ایدی مشایخ
خلوتیه دن سیواسلی شمس افندی خلیفه سی
اولوب استانبوله کلوب کندویه نسبتله مشهور
زاویه ده شیخ اولوب سلطان احمد خان جامع
جدید بنا ایلدکده وعظنی بوناره ویرمیشیدی
بیک قرق طقوز جمادی الاخره سنه وفات ایدی
سنی یتشدن متجاوز برپیر روشن ضمیر ایدی
بعض تورکی رساله لری وارد و شیخی مخلصی
ایله کلام منظوم دیر ایدی وعظندن اول
خوش الحاله سوره فالحه اوقیوب مستمعینه
صفا بخش اولور ایدی احبابی نیچه کراماتن
نقل ایدرلر

اما قاضی زاده افندی بالی کسرلی طغانی
مصطفی افندی نام بر قاضی نیک اوغلی شیخ محمد
افندی دردیارنده برکلی محمد افندی شاگرد نندن
تحصیل مقدمات فنون اندکدن صکره استانبوله
کلوب طورسون زاده مدرس ایکن معید اولدقد
نصکره اختیار سمت مشیخت ایدوب بر زمان
ترجمان تکه سی شیخی عمر افندی خدمتده
تصفیه به اشتغال اوزره ایکن سمت
تصوف مشربنه موافق کورنمیت طریق نظره
سلوک ایلدی نیچه زمان مراد پادشا جامعده
درس دیوب برکلی زاده فضل الله افندی یرینه
سلطان سلیم واعظی اولدی و خانهمی قربنده
مستجدده تدریس عامه مداوم اولوب وعظ
درس ایله اشتهار بولمیشیدی بیک قرق بش
سالی خلالتده ایاصوفیه وعظنی ایکن وفات
ایلدی سنی خمسیندن متجاوز بر مشهور
عزیز ایدی

بویکی شیخ زمانه بری برلری ایله ضد
کامل اولوب اختلافی مشرب حبیبی ایله اراولنده

حرب بسوس قائم ایدی یازدغز مباحثک اکثرده
قاضی زاده افندی بر طرفی طوب سیواسی افندی
طرف اخره ذاهب اولوب افراط و تفریط
مسلمکله کیدرلر و ایکی شیخک اتباعی بری برلری
ایله نزاع وجدال ایدرلر دی نیچه بیزار بومنوال
اوزره ایکی شیخ اراسنده قیل وقال سورونوب
یهوده جدال دن ایکی قومک اراسنه عظیم
بغض و عداوت دوشدی اکثر شیخلر ایکی فرقه
اولوب بر طرفی طوتدیلر ایچلرنده عاقل اولان
بومعنا تعصبدن نائی بر قوری غوغادر امت
محمدودین قرنداشلر یمز نه سیواسیدن براتمز وار
نه قاضی زاده دن حجت مزوارانلر ایکی فاضل (ظ)
شیخ ایدی بری برنه مخالفتله اشتهار بولوب
پادشاه معلومی اولدیار و بو بهانه ایله مصلحت
کوروب دنیادن کام الدیلر حقاقت ایدوب
بز انلرک دعوا سن سوره کتمکندن بونده بیر
ضرردن غیری نسنه حاصل اولماز دیوقار شمدیلر
اما حقاقت اربابی اصرار ایدوب ایکی طرفدن
انلرکی اشتهار امید ایله بعض دعوالره یاشدیلر
کرسیلرده بری برلر نه طعنه طاشی اتاراق لسانله
مجاوزه سیف و سنانله محاربه به مودی اولغه
قریب اولیجق طرف ساطنتدن بعضلرین
نفی ایله کوشمال اقتضا ایدوب تأدیب لازم
کادی سلطان اسلام و مسلمین بومقوله ورع
بارد و تعصب اصحابی کائنا من کان قهر

(ظ) بومخلده مقدمات ایکی فاضل یرینه فرقه
ثالثه دن نقل طریقله ایکی قلاش یازلدی
سباق سیاقی فهمندن عاجزلوه کران کلمکله
فاضله تبسیل اولندی ناقل کفر کافر اولماز
خلقی انلر حقیقه اوچ فرقه اولوب ایکی فرقه
متعصبلری بری برینک شیخلر نه ملحد دیرلر
هیچ برندن اولیسان قلاش دیو حسن تعصیب
ایدرلر نهایت بز فاضل دیه لم